



Dok.dato: 21.03.2017

Vår Ref: 16/3597-4

Arkiv:

SØKNAD OM TILSKOT PÅ KR 400.000

for tilrettelegging og formidling av arkeologiske kulturminne Skaganeset/Kvalvågen

Innhald

Dok.dato: 21.03.2017	Vår Ref: 16/3597-4	Arkiv:	1
1. Formalia			2
2. Skildring av området Skaganeset og Kvalvågen			2
3. Mål med prosjektet			3
4. Planlagde tiltak			3
4.1 Etablere universelt utforma sti med merking og skilting			3
4.2 Informasjon - interaktiv formidling			4
4.3 Bru og tilrettelegging av tilkomst sjøvegen			4
4.4 Bygdeutvikling og reiseliv			4
4.5 Andre faselitetar for publikum			4
4.6 Forvaltningsplan			5
4.7 Andre tiltak			5
5. Organisering av prosjektet			5
5.1 Framdriftsplan			5
5.2 Forprosjekt			5
5.3 Hovudprosjekt			6
5.4 Prosjektorganisasjon			6
5.5 Samarbeidspartnarar			6
6. Finansiering og drift for heile prosjektet			7
6.1 Utgifter			7
6.2 Inntekter			7
7. Vedlegg			

1. FORMALIA

Prosjekteigar: Sund kommune

Askeladden ID for kulturminnet som er aktuelt for tilrettelegging (alle ID knytt til prosjektet):

ID 60616, ID 97070, ID 97071, ID 97073, ID 97074, ID 97076, ID 97079, ID 970822, ID 97084

Gardsnamn: Skaga

Gards- og bruksnummer: 49/73, 49/8, 49/1, 49/6 (henta frå BARK søknad)

Tidlegare eventuelle tilskot: Det er søkt BARK- midlar. Svaret ligg ikkje føre pr.d.d.

Samtykke frå grunneigar og i høve til bruk av vegtilkomst, parkering m.m./ skildring av korleis dette skal løysast: Munlege avtaler gjort i veke 13. Skriftlege avtaler vert utarbeidd i forprosjektet. Sjå elles pkt. 4.1 og 5.2 i søknaden.

Planstatus: Det ligg føre godkjend reguleringsplan for området.

Informasjon om søkjar:

Sund kommune

Organisasjonsnummer: 964338809

Kontonummer: 3470.09.50850

2. SKILDRING AV OMRÅDET SKAGANESSET OG KVALVÅGEN

Det ligg fleire steinalderbuplassar på Skaganeset ved Kvalvågen. Heile området har i tillegg ei heilt unik kvalfangshistorie. Riksantikvaren vurderer heile området til å vere av nasjonal og internasjonal verdi

Sund kommune har laga kulturminneplan som skal vedtakast i kommunestyret våren 2017. I denne planen er utvikling av Skaganeset som eit kultur- og friluftsområde ei prioritert satsing. Kommunen deltar også i prosjektet «Kartlegging og verdsetting av viktige friluftslivsområde». Saman med Sund turlag er kommunen engasjert i rydding og merking av turstiar. Eksisterande stiar er kartlagde som del av kartlegginga av friluftsområde. Kommunen er samarbeidspartnar i Sund turlag sin søknad til Turskiltprosjektet for 2017, der Skaganeset er eit av dei omsøkte områda. Eventuell tildeling her vil gje midlar til rydding, merking og skilting, men ikkje til utbetringar av sti eller etablering av universelt utforma stiar.

Det er viktig å sjå dette prosjektet i samanheng med utviklinga av Skaganeset/Kvalvågen, då turstiane går forbi kulturminna. Dei arkeologiske kulturminna er lite tilgjengeleg for folk med tanke på kva og kor dei finst. Det er ein rettskraftig reguleringsplan for Skaganeset. Reguleringsplanen omfattar store areal avsett til LNF-område, der det er lagt inn omsynssone for å sikre kulturlandsskapet langs Kvalvågen. Det er også innarbeidd bandleggingssoner for lokalitetar med automatisk freda kulturminne.

3. MÅL MED PROSJEKTET

Hovudmålet er å ta vare på – og å formidla kunnskap knytt til kulturminna på Skaganeset og rundt Kvalvågen, samt formidle historie når ein går i eit naturlandskap med mange kulturminne. Kunnskap og gode opplevingar kombinert med fysisk aktivitet gjev grunnlag for god folkehelse.

Delmål:

- Formidle steinalderlokalitetar, levevis og kulturlandskap i endring
- Formidle den spesielle og unike historia om kvalfangsten i Kvalvågen gjennom tida, samt utvikle Kvalvågen som ein attraksjon / reiselivsprodukt knytt til kulturminna i området
- Utvikle og etablere ei turløype i eit naturlandskap med mange kulturminne. Føremål er å synleggjere, formidle informasjon og opplevingar, kombinert med helsefremjande aktivitet
- Krigshistorie; motstandsrørsla i området.

Prosjektet vil bli organisert i eit forprosjekt og eit hovudprosjekt.

Prosjektleiarmetoden PLP skal nyttast systematisk i all leiing og overordna arbeid i prosjektet. All prosjektdokumentasjon skal utarbeidast i høve til denne metoden.

4. PLANLAGDE TILTAK

4.1 Etablere universelt utforma sti med merking og skilting

Ut frå kartlegginga av eksisterande stiar og vurdering av topografien i området, er det vurdert at delar av området kan tilretteleggjast for universell utforming. Det er utarbeidd ei skisse som også tar omsyn til plassering av steinalderfunn og reguleringsplan for ny veg. Det er særleg tenkt universell utforming til utsiktspunkt der ein planlegg formidling til skuleelevar, men truleg vil ein større del av området kunna utformast universelt. Skisse med innteikna trasé for universelt utforma stiar og andre stiar ligg ved søknaden. I prosjektet vil vi vera i tett dialog med fylkeskommunen og riksantikvaren for rettleiing, kontroll og kvalitetssikring av tiltaka i heile prosjektperioden. Vi skal laga ein konkret plan for utforming og vurdera kva vi er i stand til å få til av universell utforming som t.d. i Langskipevika om den framleis ligg som kulturminne i Askeladden.

Arbeidet med rydding, merking og skilting vil dels bli utført av kommunen, dels av turlaget. Kommunen sitt bidrag vil vere eit arbeidslag frå psykiatritenesta / ungdomskontoret / NAV under arbeidsleiing av kultureininga. Slik arbeidstrening har vore etablert sidan oktober 2016 i nært samarbeid med Sund turlag og Bergen og Omland Friluftsråd, der stiar på Tyssøy og i Sundskogen har blitt rydda og merka. Tilsvarande arbeid på Skaganeset vil starte opp så snart grunneigaravtalar er på plass.

Kommunen har munnlege avtalar med aktuelle grunneigarar. Desse skal skriftleggjerast tidleg i forprosjektet.

4.2 Informasjon - interaktiv formidling

Kommunen har første halvår 2017 to studentar frå faget «AHKR201- Praksis i arbeidslivet» ved UiB i feltarbeid på Skaganeset. Dei har begge bakgrunn innan arkeologi og fokuserer på formidling av kunnskap om steinalderbusetnadane. Dei har mellom anna fått laga ei kartskisse som viser strandlinja 7 meter høgare enn dagens nivå, slik den var i periodar rundt både eldre- og yngre steinalder. Dei har dokumentert funna med bilde frå magasinet ved Universitetsmuseet, og hatt dialog med selskapet Arkikon om illustrasjonar til bruk i formidlinga. Dei har også laga lydfiler med mellom anna knakking som er tenkt brukt i interaktiv formidling, som t.d. i ein app. I den resterende delen av praksisperioden utarbeider studentane med tekst som skal brukast i formidlinga, og dei skal også laga ein audioversjon av den same informasjonen. Resultatet av feltarbeidet våren 2017 er planlagt presentert for studieleinga, prosjektgruppe og andre interesserte frå kommunen og fylkeskommunen 4. mai.

Kommunen ønskjer å vidareføra samarbeidet med UiB og håpar å få med nye studentar i det vidare arbeidet med dette prosjektet. For kommunen er dette med på å sikra fagleg tyngje. Vi trur også dette kan vera nyttig felterfaring for studentar.

I kommunen si kartlegging av friluftslivsområde, er det kartlagd moglege utsiktspunkt som kan eigna seg for formidling, både av steinalderbusetnadane og den rike kvalfangsthistoria som er knytt til området. Kommunen vil samarbeida med Sund sogelag, Folkeakademiet i Sund og Memoar. Memoar er ein organisasjon som samlar munnleg historie i Hordaland. Det er gjort avtale med leiar av Memoar for å sikra forteljingar gjennom videoopptak på biblioteket og ute i felten på Skaganeset i mai. Dette kan truleg bli ein del av den interaktive formidlinga. Til dømes kan klipp av intervju med historier om kvalfangst og krigshistorie vere del av ein webapp som kan utviklast for området.

4.3 Bru og tilrettelegging av tilkomst sjøvegen

Det er foreslått ei bru eller eit båt-trekk mellom Skaganeset og Stekholmen. Ei slik løysing må vere tilpassa muren som delvis stenger sundet, samt isforholda på Kylpa. På Stekholmen er bua der kvalnota låg klar til å stenga Stekasundet.

Det er råd å tilretteleggje for tilkomst sjøvegen ved Stekholmen og i Langskipevika. Ei slik tilrettelegging vil verta høgt prioritert. Elles er området svært godt eigna for padling og bading.

4.4 Bygdeutvikling og reiseliv

I samarbeid med lokale eldsjeler og Bergen reiseliv, ynskjer ein å utvikle Kvalvågen som ein attraksjon / reiselivsprodukt knytt til kulturminna i området. Det skal m.a. leggjast til rette for ulike guida turar både på land og til sjøs. Stekholmen er eit mogleg utgangspunkt for guida ro-turar med færing for turistar.

4.5 Andre fasetetar for publikum

På utsiktspunkt er det også skissert mulig plassering av bål plass, utandørs amfi, eller evt. ein lavvo. Kommunen har også søkt om midlar frå fylkeskommunen til innkjøp av teljarar for dokumentasjon av bruk av stiane i området (tilskot til lågterskel fysisk aktivitet for born og ungdom).

4.6 Forvaltningsplan

Gjennom prosjektet skal det også utviklast forvaltningsplan for dei areala som er regulerte på vest- og sørsida av næringsområdet på Skaganeset. Forvaltningsplanen skal vere eit praktisk hjelpemiddel til å oppretthalde og fremje føremålet med å ta vare på området, samt sørgje for at ein unngår tilfeldige einskilde avgjerder, som kan vere uheldige for verneverdiane. Forvaltningsplanen skal samstundes sikre ein heilskapleg forvaltning av verneområdet ved å gje konkrete retningslinjer om bruk, informasjon, skjøtsel, tilrettelegging mv

4.7 Andre tiltak

Sund kommune har alt kjøpt området rundt Langskipevika. Det er planlagt å rydda sjøve vika og å sikra betre terrengmessig avslutning mot industriområdet.

Det skal lagast avtalar om parkering og tilkomst via Langskipevika i forprosjektet. Det er viktig for at folk kjem nær området med flest steinalderfunn.

5. ORGANISERING AV PROSJEKTET

5.1 Framdriftsplan

Ein ser føre seg at prosjektet vil vare i omlag tre år. Det vil bli organisert i eit forprosjekt og eit hovudprosjekt. Ein ser føre seg følgjande framdrift i høve til avgjerdspunkt og milepæl:

Tid	Avgjerdspunkt	Milepæl
02/05/17	Oppstart prosjekt	Oppstart prosjektgruppe
01/06/17		Grunneigaravtalar er på plass
01/08/17		Tilsett prosjektleiar
01/09/17	Ferdig godkjent prosjektplan for forprosjektet	
25/10/17		Orientering til styringsgruppe (saksgruppe næring og utvikling)
01/03/18	Ferdig godkjent prosjektplan hovudprosjekt	
02/05/18	Oppstart hovudprosjekt	
31/12/19	Avslutta prosjekt	

5.2 Forprosjekt

Noko av det viktigaste i forprosjektet er å kontakte, få dialog og samarbeid til grunneigarar - få deira synspunkt for disponering av LNF- områda. Andre sentrale tema vert å systematisere registreringane og samle meir dokumentasjon. Det er gjort både kartlegging og registreringar av kulturminne i Kvalvågen, men det står ein del att. Vidare skal det i forprosjektet planleggjast korleis kommunen kan leggje til rette for opplevingar og kunnskapsformidling om dei verdifulle kulturminna. Ein detaljert prosjektplan skal utarbeidast for hovudprosjektet.

Estimert tid forprosjekt: 1 år

5.3 Hovudprosjekt

Innhald i hovudprosjektet er å tilretteleggje Skaganeset/ Kvalvågen til friluftsområde, synleggjere alle kulturminna og gjere dei tilgjengelege for publikum. Då skal planlagde tiltak i forprosjektet gjennomførast. Sentrale tiltak er bygging og tilpassing av turstiar, skilting og infotavler om kulturminna – ein skal få fortalt ei historie når ein går i naturen. Det er aktuelt med guiding. Vi ynskjer å samarbeide med Bergen og omland friluftsråd (BOF) til evt kjøp av friluftsområde som er regulert til kulturminne/ landskapsvern.

Estimert tid hovudprosjekt: 2 år.

5.4 Prosjektorganisasjon

Oppdragsgjevar/ prosjekteigar: Sund kommunestyre

Styringsgruppe: Saksgruppe næring og utvikling

Prosjektgruppe: Representant frå: Fylkeskommunen, grunneigarar, Bergen og omland friluftsråd (BOF), representant frå frivillige lag i området, kultur og arealavdelinga i kommunen samt prosjektleiar. Prosjektstøtte frå Rådmannen sin stab.

Prosjektansvarleg: Rådmannen ved kommunalsjef

Prosjektleiar: Engasjementstilling med ekstern utlysing

5.5 Samarbeidspartnarar

I gjennomføring av heile prosjektet er det viktig å spele på både offentlege og private verksemder, samt frivillige organisasjonar og lokale eldsjeler. Det er alt etablert kontaktar med nokre sentrale aktørar. Fleire vil koma til.

Eit viktig arbeid i forprosjektet vert å formalisere samarbeidet gjennom avtalar. Følgjande aktørar er særleg viktige samarbeidspartnarar:

- Grunneigarar
- Bergen og Omland Friluftsråd
- Hordaland fylkeskommune
- Riksantikvaren
- Kultur- og Arealavdelinga i kommunen
- Sund sogelag
- Sund turlag
- Lokale lag: Skogsvåg ungdomslag, Skogsvåg kvinne og famielag, Hope trebåtlag og Skogsvåg idrettslag
- Skogsvåg skule
- Folkeakademiet i Sund
- Sotra Steinindustri AS
- Bergen reiselivslag
- Universitetet i Bergen

6. FINANSIERING OG DRIFT FOR HEILE PROSJEKTET

6.1 Utgifter

Utgifter	Kostnad
Lønsutgifter prosjektleiar 50% i 2,5 år	900 000,-
Turskiltprosjekt/ informasjonsmateriell	35 000,-
Faselitering/ møtekostnader	10 000,-
Reisekostnader for prosjektleiar	30 000,-
Interaktiv formidling/web-app	100 000,-
Anleggskostnader knytt til universell utforming 1.byggjesteget	430 000,-
Andre utgifter	30 000,-
Sum	1 535 000,-

6.2 Inntekter

Inntekter	
Søkt tilskot frå Hordaland fylkeskommune	400 000,-
Kommunale midlar/ frivillig innsats	850 000,-
BARC midlar (estimert)	150 000,-
Andre midlar (eksterne prosjektmidlar)	100 000,-
Turskiltprosjekt	35 000,-
Sum	1 535 000,-

Anleggskostnader knytt til universell utforming av sti i 1.byggjesteget for å koma nær dei arkeologiske kultuminna er rekna ut frå 215 m a kr 2000. Det utgjer kr 430 000.

Det er kartfesta fleire stiar som kan få universell utforming, men det får koma seinare i planperioden når vi kan finansiera tiltaka. Det er ikkje med i dette budsjettet.

Med bakgrunn i ovannemnde prosjektskildring med finansieringsplan, vert det søkt om kr 400 000,- .

Om einskilde inntektspostar sviktar, er kommunen budd på å gå inn med midlar for å få budsjettet i balanse.

Skogsvåg 30.03.17

Laila Klemetsaune
Leiar Kultur

7. Vedlegg

1. Kulturminne Skaganeset
2. ID 97076
3. ID 97070
4. ID 60616
5. ID 97074
6. ID 97071
7. ID 97082
8. ID 97084
9. ID 97073
10. ID 97079
11. Kart Skaganeset
12. Turstiar reguleringsplan
13. Kartutsnitt Skaganeset 10 moh
14. Kartutsnitt Skaganeset 8 moh
15. Kartutsnitt Skaganeset 5 moh
16. Bilete frå den siste kvalfestivalen

Merknader

Det er mogleg med universell utforming på den nordlege delen av området. Det vil bli krevjande å koma forbi ID 60616, så avklaringar frå fylkeskommunen er avgjerande om vi må søkja dispensasjon frå 5 meters sikringssone for å koma på austsida av denne.

Mellom ID 97070 og 97076 vil det ikkje vera mogleg å laga universelt utforma sti utan dispensasjon for å gå inn i 5 meters sikringssone. Alt arbeid her vil krevja tett dialog og samarbeid med fylkeskommunen.

Det vil ikkje vera nødvendig å byggja denne delen av stien viss ein vel å prioritera stien på nordsida, men den vil då koma mellom funna og sjøen.

Alle slike spørsmål vil verta tatt opp til vurdering i forprosjektet.

LK